



Publicaziuns officialas dils 01-04-2021

Damonda da baghegiar

Nr. 30/2021

Datum da publicaziun: 01-04-2021

Patrun: Otto e Daniela Beer-Decurtins, 7172 Rabius

Liug e parcellas: Rabius-Gir; 4967

Object: nova ligiadora, novas storas, novs tschabergals, colurar da niev il tetg sutsi, mirar si ina finiastra ella fatschada dil nord

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 01-04-2021

Cumissiun da baghegiar

REFERENDUM FACULTATIV

La radunonza communal dils 25 da mars 2021 ha priu denter auter ils suandonts conclus:

- *Tractaziun ed approvaziun dil project sanaziun provediment d'aua Laus e concessiun dil credit brut da 495'000 francs*
- *Tractaziun ed approvaziun dil project producziun ed installaziuns d'electricitad Alp Glivers e concessiun dil credit brut da 180'000 francs*

Sura conclus ei suttoposts al referendum facultativ tenor art. 30 al. 2 dalla constituziun communal. Il termin da tschaffar il referendum terminescha cun datum dils 21-04-2021. Il referendum sa buca vegnir retratgs.

Sumvitg, 01-04-2021

Suprastonza communal Sumvitg

Uras d'avertura administraziun communal

L'administraziun communal resta serrada sur Pastgas sco suonda:

naven da gievgia, ils 01-04-2021, allas 17.00 uras, entochen mardis, ils 06-04-2021 allas 08.00 uras

Nus engraziein per la buna collaboraziun e giavischein bialas fiastas da Pastgas.

Sumvitg, 01-04-2021

Administraziun communal

Vignettas da mopeds

La vignetta da mopeds 2021 sa vegnir retratga tier l'administraziun communal. La taxa munta **frs. 43.--**.

Sumvitg, 01-04-2021

Administraziun communal

Cartas dil di

La vischnaunca da Sumvitg porscha per mintga di calendaric duas cartas dil di dalla VFF 2. classa.

Reservaziuns san vegnir fatgas per telefon, al spurtegl ni online sin la pagina d'internet. Las cartas dil di san vegnir empustadas online maximal 3 meins avon il di da reservaziun. Las cartas san vegnir retratgas al spurtegl dalla vischnaunca Sumvitg. Encunter ina taxa da frs. 5.-- saveis Vus schar tarmetter la carta dil di cun posta.

La carta dil di cuosta frs. 45.--. Igl import ei da pagar tier la retratga dalla carta al spurtegl. Tier spediziun cun posta ei la summa da frs. 45.-- plus frs. 5.-- spesas e porto da pagar cun il cedel da pagament aschuntau.

Cartas dil di ch'ei aunc disponiblas san vegnir empustadas naven dallas 8:00 uras il di avon il datum valeivel da viagiari per il prezi reduciu da frs. 20.--. Croda il di da viagiari sin ina sonda, dumengia ni gliendisdis sa la carta vegnir empustada e retratga naven dil venderdis endamaun allas 8.00 uras. La carta cul prezi reduciu sa denton mo vegnir retratga e pagada directamein al spurtegl dalla canzlia communal.

Sclariment dat bugen l'administraziun communal Sumvitg, Via Quadras Su 10, 7175 Sumvitg, Telefon 081 920 25 00 ni info@sumvitg.ch.

Sumvitg, 01-04-2021

Administraziun communal

Uras d'avertura deponia da verd igniu

La deponia ei aviarta naven da sonda, ils 10 d'avrel 2021 sco suonda:

- mardis: 17.00 – 20.00 uras
- gievgia: 17.00 – 20.00 uras
- sonda: 09.00 – 12.00 uras

Il suandont ei lubiu da dismetter:

Deponia da caglias

- caglias e roma cun diameter sur 4 cm
- bests da plontas
- pignola senza material jester

Deponia da verd

- roma, dascha e caglias cun diameter entochen 4 cm
- fluras
- tagl da pastget e prau
- fein e strom
- feglia, zercllem e puma curdada
- fluras da balcun e da ruogs cun tratsch, denton senza ruog
- curdems da preparar fretgs, puma e legums
- cordas e sacs cumpostibels
- scorsa
- resgem e stialas da lenna buca tractada
- crosas d'ovs
- fundagl da caffè e jarvas da te

Ulteriuras informaziuns ein disponiblas sin la pagina d'internet www.sumvitg.ch. Nus supplichein per enconuschientscha e capientscha.

Sumvitg, 01-04-2021

Departament ambient

Curdem da gronda dimensiun

La vischnaunca organischescha ina rimnada da rufid bloccont sco suonda:

Venderdis, ils 30 d'avrel 2021 dallas 08.00 - 18.00 uras

Ei vegn rimnau il rufid per l'entira vischnaunca sin la piazza Igniu (spel baghetg economic) Ils curdems ein da deponer els containers ni navettas tschentai sil plaz. Per tener-casa vegn priu encunter **max. 2 m³** rumians. Quantitads pli grondas, per ex. ord rumidas da casas e clavaus ein da transportar directamein e sin cuost dil caschunader ella deponia regiunala a Rueun. Rumians jamnils, q.v.d. rumians ch'ins dismetta el sac verd e rufid bloccont pign (dimensiuns max. 100 cm liung / 60 cm lad / 60 cm ault / peisa max. 30 kg) vegnan buca pri encunter. Tals rumians ein da plazzar als plazzs da rimnada usitai els vitgs e che vegnan rimnai entras la Regiun Surselva mintgamai la mesjamna.

Ei vegn acceptau

- maschinas pintgas e mopeds mo cun tratg giu ieli e benzin,
- ferramenta, ferradira da tuttas sorts (meisas da fier, uaffens da fier, velos, e.a.v.),
- tut las maschinas electronicas (computers, frestgeras, maschinas da furar, pegnas d'electricesch cun e senza ieli e.a.v.),
- mobiliar movibel (letg, scaffa, suppia, madrazza, teppi denton buca culau giu, e.a.v.),
- requisits per il temps liber e sport (skis, indrez da trenament, velos e.a.v.) ch'ei pli gronds che 100 cm liung / 60 cm lad / 60 cm ault ni pli grevs che 30 kg,
- per pneus senza gavegl vegn incassau ina taxa da frs. 5.--, cun gavegl frs. 10.--,
- per pneus da maschinas agricolas pintgas vegn incassau ina taxa da frs. 20.-- e per pneus da tracturs frs. 50.--,
- calzars da skis san vegnir dai giu en favur dalla ARGO Tavau per frs. 5.--.

Buca acceptau vegnan

- tuttas maschinas agricolas,
- lenna da brisch, lenna veglia, lenna da baghetg (tabliaus, plantschius, lattas, quaders, panos, e.a.v.),
- sacs da pupi e da plastic,
- materials da pachetar (palets, stiropor, plastic, e.a.v.),
- requisits per il temps liber e sport ch'ei pli pigns che 100 cm liung / 60 cm lad / 60 cm ault e pli levs che 30 kg (bob, scarsola, calzars da rodas, aissa-rulletta e.a.v.),
- blachas da ballas da silo (verdadas ed alvas),
- curdems da baghetg (linoleums, isolaziuns, plastics, folias da tetg e da preits, e.a.v.) e curdems da fatschentas,
- curdem verd da curtin e caglias, tals curdems san vegnir transportai sin la deponia verda ad Igniu,
- cartun e pupi duei vegnir surdau alla rimnada entras las scolas resp. las uniuns.

Ils suandonts rumians vegnan rimnai cun ils rumians jamnils e basegnan las marcas sco suonda:

- sacs tochen 50 kg; 1 marca da frs. 2.50,
- rumians pigns tochen 100 cm liung / 60 cm lad / 60 cm ault e pli levs che 12 kg; 2 marcas da frs. 2.50,
- rumians pigns tochen 100 cm liung / 60 cm lad / 60 cm ault entochen ina peisa da 30 kg; 3 marcas da frs. 2.50.

Nus appelein alla responsabladad da vischinas e vischins e supplichein da setener vid quellas directivas en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismessa da rumians e vegnan annunziadas als organs responsabels e puni.

Per ulteriuras informaziuns stat il gerau responsabel bugen a Vossa disposiziun.

Annunzia scoletta per igl onn da scola 2021/22

Il scriber cul talun d'annunzia obtegnan ils geniturs dils affons dall'annada 2016 ils proxims dis. Ils affons dall'annada 2015 che han gia frequentau in onn scoletta valan sco annunziai. En cass cheVus retscheveis negin scriber ni cheVus haveis ulteriuras damondas astgeis bugen contactar nus durant las uras da spurtegl (gliendisdis e mesjamna 8.00–11.00) sut 081 936 33 04. *Consorzi da scola Sumvitg-Trun Administraziun*

Partenza per ina reit da sanadad integrada ella Surselva – «Reit da sanadad Surselva»

La SanaSurselva lantschescha in project visiunari per schaffir in provediment da sanadad integrad en Surselva. **Schei a nus Vies meini** e separticipai alla retscherca online (entochen ils 10 d'avrel). Tuttas informaziuns anfleis Vus silla pagina d'internet www.sanasurselva.ch. Il team da project selegra da Vossa participaziun! *SanaSurselva*